



Broj:  
Sarajevo, 06.09.2012. godine

## MEDIJIMA

*Predmet : Saopštenje za javnost*

### ***Poslovanje bankarskog sistema u Federaciji BiH u prvom polugodištu 2012.godine***

I u prvom polugodištu 2012. godine stabilnost i sigurnost ukupnog bankarskog sistema F BiH je zadovoljavajuća, što pokazuje stopa adekvatnosti kapitala bankarskog sistema, kao jedan od najvažnijih pokazatelja snage i adekvatnosti kapitala banaka, koja je sa 30. 06. 2012. godine iznosila 16,9%, što je i dalje znatno više od zakonskog minimuma (12%) i predstavlja zadovoljavajuću kapitaliziranost ukupnog sistema i jaku osnovu i temelj za očuvanje njegove sigurnosti i stabilnosti. Kapital banaka u F BiH je sa 30. 06. 2012. godine iznosio 2,15 milijardi KM, što je za 3,4% ili 71 milion KM više nego na kraju 2011. godine i ostvaren je najviše po osnovu direktne dokapitalizacije.

Banke u F BiH sa 30.06.2012.godine ostvarile su pozitivan finansijski rezultat u iznosu od 71 milion KM iako je gubitak u poslovanju iskazan kod tri banke.

Da je ipak uticaj krize i dalje evidentan, pokazuje pad bilansne sume u prvoj polovini 2012.godine. koja je u tom periodu iznosila 14,9 milijarde KM, što je manje za 2% ili 458 miliona KM nego na kraju 2011. godine.

Struktura aktive imala je manje promjene vezane za dvije ključne imovinske stavke: povećanje učešća kredita sa 68,6% na 70,7% i smanjenje novčanih sredstava sa 28,8% na 26,4%. Povećanje učešća kredita u aktivi, rezultat je, prije svega, pada novčanih sredstava u aktive i blagog kreditnog rasta, koji je iznosio 1,2 % ili 126 miliona KM. Krediti su na kraju polugodišta dostigli nivo od 10,54 milijarde KM.

Bez obzira na pad novčanih sredstava od 10% ili 450 miliona KM i iznos na kraju prvog polugodišta od 3,93 milijarde KM, ipak je likvidnost jedan od stupova bankarske stabilnosti i jedna četvrtina aktive bankarskog sistema je u novcu.

Depoziti u prvom polugodištu 2012. godine smanjeni su za 2,6 % ili 285 miliona KM i sa iznosom od 10,77 milijarde KM i dalje su dominantan izvor finansiranja banaka u F BiH. Kreditne obaveze, kao drugi najznačajni izvor finansiranja banaka u F BiH, također su zabilježile pad od 5% ili 66 miliona KM i na kraju prvog polugodišta iznose 1,25 milijarde KM. U posljednje tri godine, zbog uticaja finansijske i ekonomske krize, banke su se znatno manje zaduživale u inostranstvu, a plaćanjem dospjelih obaveza ovi izvori su značajno smanjeni.

Da je zadržano povjerenje građana u banke dokazuje i rast štednih depozita. U 2012. godini štedni depoziti imali su rast od 3,3% ili 175 miliona KM i sa 30. 06. 2012. godine iznosili su 5,54 milijarde KM.

URED FBA ZA INFORMISANJE